
«Ташаббусли бюджет»нинг жорий йилги 2-мавсуми якунланди, унда Учкўприк туманидан 4 та лойиҳа ғолиб деб топилди

«Ташаббусли бюджет» лойиҳасининг жорий йилги 2-мавсуми якунланди. Молия вазирлигининг маълум қилишича, республика бўйича жами 1418 та лойиҳа ғолиб деб топилди. Мазкур лойиҳаларни амалга ошириш учун 1 триллион сўмдан ортиқ маблағлар йўналтирилади. Овоз бериш жараёни якунларига кўра, Учкўприк тумани ташаббускорлари томонидан илгари сурилган таклифлардан умумий қиймати 4 миллиард 570 миллион сўм бўлган 4 та лойиҳа ғолиб деб топилди.

«Ташаббусли бюджет» лойиҳасининг жорий йилги 2-мавсуми ижроси доирасида “Фози ғиждан”, “Машад” ва “Анҳор бўйи” маҳалла фуқаролар йиғинлари худудида қарийб 12 километр ички йўлларга асфальт ётқизилади. Шунингдек, “Катта қашқар” маҳалласига трансформатор пункти ўрнатилиши, янги бетон таянчлари олиб келиниб, 5 минг метрга яқин тармоқ тортилиши кўзда тутилган.

2022-09-19 18:27:15